



MUHAMAD Anas menerima Anugerah Utama Tokoh Siswa 2015 UniSZA pada Malam Anugerah Kepimpinan Siswa 2015 UniSZA yang berlangsung di Hotel Primula.

Iktiraf tokoh siswa

■ UniSZA beri 18 anugerah kepada pelajar aktif gerak aktiviti

Oleh Ahmad Rabiul Zulkifli
am@hmetro.com.my
Kuala Nerus

Pelajar Fakulti Informatik dan Komputeran, Muhamad Anas Misbahudin, 23, dinobatkan sebagai penerima Anugerah Utama Tokoh Siswa 2015 Universiti Sultan Zainal Abidin (UniSZA) sekaligus membawa pulang wang tunai RM1,000 selain trofi dan sijil pada majlis Malam Anugerah Kepimpinan Siswa UniSZA 2015.

Muhamad Anas yang juga Pengerusi Majlis Perundingan Pelajar Kebangsaan (MPPK) bersyukur dan gembira dengan anugerah yang dimenangi itu.

"Semua calon mempunyai

kelebihan mereka tersendiri dan saya tidak menjangka dipilih sebagai penerima anugerah ini.

"Apabila diberikan kepercayaan oleh UniSZA, saya akan menjalankan pelbagai latihan dan membuat persiapan terbaik untuk memberikan yang terbaik bagi mengharumkan nama universiti," katanya pada majlis Malam Anugerah Kepimpinan Siswa 2015 UniSZA, di sini, kelmarin.

Turut hadir, Timbalan Naib Canselor (Hal Ehwal Pelajar Alumni) Prof Madya Dr Nik Wan Omar dan Ben-

dahari UniSZA Prof Madya Ariza Ibrahim.

Sementara itu, Ahli Lembaga Pengarah UniSZA Mohammad Sahar Mat Din berkata, Malam Anugerah Kepimpinan Siswa 2015 itu adalah anugerah kali ketiga bertujuan memberi pengiktirafan kepada mahasiswa yang bergiat aktif dalam menggerakkan aktiviti mahasiswa di UniSZA.

"Malam anugerah ini secara tidak langsung memberi dorongan kepada pelajar baru supaya mampu menjadi penggerak dan pemimpin yang berkali-

pada masa depan.

"Malah, dengan adanya anugerah seperti ini dapat menonjolkan bakat kepimpinan mahasiswa dalam bidang masing-masing sekaligus menjadi ikon kepada pelajar lain," katanya.

Pada majlis itu, 18 anugerah dipertandingkan, antaranya Anugerah Khas Sukan, Anugerah Khas Badan Beruniform, Anugerah Khas Sukarelawan, Anugerah Khas Kebudayaan dan Anugerah Khas Keusahawanan.

Pemenang anugerah, masing-masing membawa pulang wang tunai RM500 beserta trofi dan sijil yang disampaikan Timbalan Naib Canselor (Hal Ehwal Pelajar & Alumni) Prof Dr Nik Wan Omar.

FAKTA
Malam Anugerah Kepimpinan Siswa 2015 itu adalah anugerah kali ketiga